

UKONGIWA KWEMALI KWIINKONZO ZIKAMASIPALA

UMBANE

- (a) Izibane zangaphandle mazicinywe emini.
- (b) Izibane zaseklasini kufuneka zikhanyiswe emini kuphela ukuba ukukhanya kwelanga akonelanga.
- (c) Zizibane zokhuseleko nezibane zamagumbi okufundela asezikoneni kuphela emazikhanyiswe ebusuku.
- (d) Ngeempelaveki nangeeholide zesikolo, ezi zibane zikhankanywe apha ngasentla (jonga u-(c)) mazikhanyiswe ebusuku zize zicinywe kusasa.
- (e) Ukufakelwa kweemitha zombane ohlawulelwa ungekasetyenziswa (*pre-paid electricity meters*) makuthathelwe ingqalelo njengoko izikolo ziya kuba nako ukukulawula ngcono ukusetyenziswa kwawo nenkcitho yombane. U-Eskom kunye noninzi lwabanye oomasipala bavakalise ukuba baya kubanako ukuzifaka ezi mitha.

AMANZI

- (a) Imiqathango yokusetyenziswa kwamanzi, njengoko ikhutshwa kumaxesha ngamaxesha ngabasemagunyeni ekuhlaleni (*local authorities*), ithatha indawo yazo naziphi na ezinye iimfuno eziniselweyo yaye kufuneka, ngaphandle kwazo naziphi na ezinye izikhokelo, ithotyelwe ngokungqongqo.
- (b) Izitshizi zamanzi (*water sprinklers*) kufuneka zisetyenziswe ngononophelo yaye zicinywe xa ingca kunye neendawo ekutyalwe kuzo iintyatyambo zizanzi ngokwaneleyo. Kukho ababoneleli-nkonzo abafakela iimitha zokuthintela ukusetyenziswa okungeyomfuneko kwamanzi. Olo didi lunokukhethwa lunokukhethwa maluthathelwe ingqalelo zizikolo.
- (c) Amanzi aya kwiindawo zokuchama kunye neetephu ezingaphandle kwesakhiwo kufuneka avalwe kwiivalvu ii-stopcocks xa engeyomfuneko, umz. emva kweeyure zesikolo ingakumbi ngeempelaveki. Makuqwalaselwe ukutshintshwa kweendawo zokuchama eziqhelekileyo ngokutshintshela kwezingasebenzisi manzi okanye kufakwe izixhobo zokulawula ukugungxula okuzenzekelayo kwiindawo zokuchama.
- (d) Makuqinisekiswa ukuba zonke iitephu zivaliwe kakuhle phambi kokuba kuphunywe emasangweni esikolo.
- (e) Makuthethwe rhoqo nabasebenzi, abafundi nabazali ngokukhuthaza ukongiswa kwamanzi.
- (f) Ii-invoyisi zikamasipala kufuneka ziqwalaselwe ukuqinisekisa ukuba azigqithi kwixesha eliqikelelweyo leentsuku ezingama-365.
- (g) Imibhobho ehambisa amanzi kunye neemitha zamanzi kufuneka zijongwe rhoqo ukhangela ukuvuza kunye neziphene. Le nkqubo ilandelayo kufuneka ilandelwe:
 - Xa isikolo siphuma, makuqinisekiswa ukuba zonke iitephu zivaliwe yaye kufundwe imitha zamanzi.
 - Makuphinde kufundwe kwakhona iimitha zamanzi kusasa phambi kokuba naziphi na iitephu zivulwe.
 - Makuthelekiswe amanani eemitha yaye, ukuba ayahluka, makuthathwe la manyathelo alandelayo:
 - Xa isikolo siphuma ngosuku olulandelayo, makuvalwe iivalvu ii-stopcocks kuze kuze kuthathwe imitha.
 - Makufundwe iimitha zamanzi ngentsasa elandelayo phambi kokuba kuvulwe iivalvu ii-stopcocks.

- Ukuba kusekho ukungafani phakathi kwamanani eemitha, oko kubonisa ukuba imitha yamanzi inesiphene okanye kukho ukuvuza kumbhobho wamanzi.
- Makwenziwe amalungiselelo okulungiswa kwangoko kwemitha yamanzi eneziphene kunye/okanye umbhobho.

UKUTHUTHWA KWENKUNKUMA

Makubekw'esweni inani lemigqomo yenkunkuma esetyenzisiweyo. Abasemagunyeni ekuhlaleni (*local authorities*) bakholisa ukurhafisa umrhumo ngomgqomo ngamnye. Kubalulekile ke ngoko ukuba kusetyenziswe imigqomo embalwa kangangoko kunokwenzeka. Kusenokwenziwa isigqibo sokuba kutyunjwe ikontraka yabucala ukuba ithuthe inkunkuma yesikolo.